

四庫全書

集部

欽定四庫全書

御製詩二集卷六十一

古今體八十九首

丙子二

二月十三日啓程躬祭

闕里適以是日逆賊阿睦爾撒納就擒捷音至理宜

躬詣

祖陵叩謝因以路便命改程先謁

泰陵俟曲阜迴蹕敬當往謁

孝陵

景陵七字成詩一心誌慶

撫定伊犁功慶成告功

闕里此涓程胡為背德圖專地卒至生擒遞捷旌數日

紆途近申謝

二陵遙望迴懸誠

祖功

宗德叨鴻祐益切冰淵戒滿盈

驚性安能飽竟颺遠夷亦自識綱常

時將軍策楞帥師深入諸部為阿睦

爾撒納煽動者舉悔從逆之非都爾伯特台吉伯什阿
噶什率庫本諾音台吉諾爾布等協力致討賊乃就獲

虛傳三窟藏身謫實許千廬悔罪良肯使游魂潛釜底

寧同飛鳥嘆弓藏

上年略定伊犁阿睦爾撒納為副將軍功成寵賚甚渥方台赴山莊錫宴

而逆賊反覆性成潛萌為四部總台吉之志所圖不遂乃中道叛去脅其黨為亂卒底於誅

欽承

天貺慰還懼魚海龍堆日月光

黃新莊行宮疊去歲韻

去歲命貞師邀麻敬謁

陵功成信云速而何乖變生討叛重致誅虎旅踐王庭
鼓勇合衆力露布傳紅旌瀚海銷兵氣天弧靖狼星蒙
佑申素悃吾寧漫改程

月

柏望冰輪欲滿規春雲傍晚去何之離宮行漏方初度
硯匣冰壺又一時翻馥那須亞盆萼扶疎偏愛上窓枝
上元寶月成前月過隙流陰迅若斯

長溝

風吹陌柳雪餘坡迤邐長溝策騎過底識年來增戶口

草團瓢較向時多

易州房山一帶村民率結小
圖茅廬居之謂之草團瓢云

野水彎環抱郭流治田無復牧羊牛長官宜讀郭駝傳
不擾其餘任自謀

毳服春朝尚峭寒房山遙在白雲端高低土脈皆含潤
歷覽吾心略為寬

花朝

今歲花朝花事無閏遲寒未吐花鬚曉園剪綴寧煩效

溫室烘培也不須已喜韶光稱有脚偏饒清興閱沿途
鳴鞭春色原如許陌柳薰黃看幾株

過拒馬河

浮梁之上春風輕浮梁之下春水生憑輿春意已滿目
尚有湍流挾冰行燕爭趙攘無消息割據猶傳拒馬蹟
我來參叩為武成乃在流沙之西極嘉兵勤遠古戒矣
討叛誠因不得已千村耕作本宴然杜甫兵車詎同此
永慕齋

春風來永慕浹歲迅如斯遐奠叨

鴻佑端臻謝

燕詒東程三日緩

由良鄉紆道謁
州東詣曲阜僅增

陵遂自涿
三日程耳

衷曲

一宵遲五致嗟何及惟餘此致思

恭謁

泰陵

載戢干戈弓矢橐春風露布捷旗高但求遂得元兇繫
耆定端惟

聖澤叨保大今猶籌撫恤詰戎昔尚憶

勤勞歲功成

志遑云幸戒滿持盈勵自操

過荊軻山隱括其事題辭

慶卿本齊人擊劍兼好書蓋聶及勾踐避去如懦夫至
燕人不識所愛惟狗屠游酒遇漸離酣歌旁若無田先
生善之謂非庸人徒燕丹怨秦陵鞠武謀嫌迂武乃進
田光徹席跪導途知壯未知耄國事難任謀叶因緣進

荆卿不言死明諸尊禮舍上舍順適惟所需激樊得其
首兼具督亢圖治裝將啓程有待欲與俱辭決不復顧
忼慨遂就車蒙嘉為先言九賓觀帝居舞陽果色變顧
笑為椰榆圖窮匕首見堪之未至軀手搏衆惶急囊提
夏無且拔劍擊荆軻倚柱罵自如丹謀終無成國喪身
亦誅行險致奇禍孰謂傳言疎史遷義名垂寧識仲尼
讐

涿鹿行疊去歲韻

采旄重臨凹字城獻功將為在泮行去年過此師方出
尚憶興寄軒轅明鶚翩其集鷹亦飽狡焉颺去自云好
由來

天道本禍淫險遠安能恃奸巧檻車纍致應自尤腴顏

猶詡懷恩稠

阿睦爾撒納叛後猶上奏乞為四部總台
吉署銜尚稱定邊左副將軍雙親王奏中

多受恩
圖報語

露布正到啓程際叩

陵途為三日留天涯盡處銷兵氣干戈包以虎皮收千

村耕牧本無事行因釋奠文教修

柳色

未窳如油綠先搖似酒黃
盈盈繪春色往往冒烟光
遙看近疑失無端有若狂
高樓誰望見可復膩柔腸

涿郡覽古

龍安高峙古洹流表裏山河拱
帝州連歲頻過緣有事
告功漫擬勝蚩尤

華陽置酒名猶在督亢成圖計已空
衍水逋逃仍致敗
燕丹終未識英雄

為政窮經事豈分千秋名教繫君臣昌言抗董知誰氏
聞是當年絳帳人

赤符一脈乃三分羽葆樓桑自昔聞相傍桓侯故井在
當時際會想風雲

瓊樓邊洞乘雲去壁水琴高跨鯉來此事今胡艱目覩
列仙傳記果真哉

郎山遙碧聳嶙峋注水經成字字神千載酈亭傳姓氏
先生合是個中人

胡良拒馬多淫潦內帑成橋利旅烝中饋戒惟干外政
頌功何事記江陵

紫泉行宮雜詠

敞軒

春和近全攬野綠遠偏延宋祖開門意洞明我與然

屏山

疊石為假山威紆曲屏展一覽戒無遺如旒之蔽冕

鏡湖

其源來紫泉輸注成半畝載舟彼已然濯纓吾何有

舫室

臨湖築舫室不繫常涵虛米家書畫式津逮今紛如

梭亭

一笠棲巖磔望之疑閨風來往是何侶琴高及韓終

虹橋

宛轉界平湖一亭乃宛在鏡清本愛憑沚芳復可採

魚罾

石梁繫魚罾舉之無一呈莫擬空行笑此間水至清

石逕

結構肖天然崎嶇復岨嶬一宿之棲遲移豎可借許

竹埭

傍軒種嫩篁姊姊四五個何必羨渭川亦有清風簫

箭廳

三楹向平遠用備試弧矢習武重巡方是誠我所喜

雜言

愛熊食之鹽愛獺飲之酒匪愛實害之名言聞之柳心
所說毀舟為桴心所欲毀鐘為鐸所與幾何十損一得
揚湯止沸抱薪救火愈甚無益謂智不可戟以刈葵鏡
以蓋卮杓鑿弗入非愚而誰

界河

遼宋分疆此界河圖遼因復與金和開門延敵自貽戚
五國淒涼怨則那

示直隸總督鄂彌達及各屬

畿輔歲巡省清塵勤且諳長民寧祇此適已率為慙歲

美人教儉男耕女拙蠶

北省婦人率不習蠶桑

實心日戒五

鄂彌達以

尚書暫署總督事故有五日京兆之戒

異政蹟宗三切以慈祥導徐將禮

樂涵休風自首善遐壤庶因覃

萬柳隄

風前日日旋

去聲

添黃高下籠隄十里強恰似與人為宿

約每來常是睂烟光

長隄界淀直如繩東淀多淤西淀渟趙北行宮應不遠

隔林遙見

御碑亭

瀦流本為資農務習獵兼因訓水師
漁舍蝸寮均樂利神堯規澤至今垂

駐蹕趙北口

月漾橋頭駐翠旌渚宮春水一篙生
禽圍命罷今番獵驛路虞延數日程
十斛塵遙去衣袂萬層漪倒上簷楹
憑軒聊寄滄浪意妙理清機鏡裏呈

魚梁鱗斷學江鄉岸芷汀蘭意向芳暖日人家初試網
遠風洲渚亂鳴榔言能春鳥高低掠機泯閒鷗自在翔
坐到昏黃得奇會際天烟水遠蒼茫

網戶進魚

網戶無租有官餉役同黃頭掌官舫世傳其業隸奉宸
家居趙北烟波漾翠華經過羣來迎籃擎活鯉如噓浪
各賚之金命散去三十六鱗旋亦放竊烹校人寧止一
即目誰能施巧術因悟好逸不躬親諸弊由來從此出

月

西渚義輪沈東壁夜珠吐金水氣相投方諸益鼓舞乍
暝暝非暗總明明且嫵淢淢帶微寒盈盈懸碧宇初時
燭近洲漸復辨遠淑泛潏湧金漪光幻現瑤璵星星見
漁火軋軋聞征櫓擬議不可得色聲清淨所

趙北口行宮疊舊韻二首

通閨冰初泮遲春花未妍座茵重布此壁句載賡前

癸酉

經此曾
疊前韻

孤鶩空中下遠帆雲外懸虛窓依碧水不繫得

稱船

月宇臨雲牖涵虛遠更明一時契澄觀

去聲

萬頃入吟評

春穉景偏好風恬浪不驚昆明今似此同一在川情

鄭州道中作

東風隄柳曉烟新隄外郵亭不惹塵底事玉驄為遲策
芳郊今日見耕人

舊州迤邐接新州沿革難從考所由長堰威紆緣避潦
謀民端是

聖人周

鄭州西北皆有隄康熙年間置一以遮淀一以避潦新州之移置於南想亦為此而已

荒榛蔓草舊州城故蹟依稀似易京

或又謂舊州即公孫瓚易京故蹟云

固守曾聞騎都尉當年割據入閒評

士習詩書農服田熙和一百有餘年持盈此日遑耽逸

勞已勤民勉繼

前

過河間府

重駐州鄉旆言臻曲阜祠民風隨處驗幾務以時披城

郭而今整閭閻較昔滋人文勝他郡猶是獻王遺

再和沈佺期望瀛州南樓韻

昔人壘木譙逸氣固凌霄何以樓無存勝蹟久寂寥雲
卿此吟望軒意結飛颺芳音亦已歇烟柳惟荒橋瀛驛
過已屢瀛洲諒匪遙每來必賡韻結習餘清囂却笑昭
容評胡遜考功謠

秋麥

秋麥當春茁芊芊綠被疇全勝彼芳草但解供吟眸霑

雪欣膏潤先時望夏收傳宣避踐踏餅餌此中求

命免直隸山東所過州縣今年田賦十分之三并

成口號

計里修除雖受直常供還免十之三長官縱自清操凜
需索應防吏役貪

寄題河間獻王墓

見說來朝獻雅樂更聞歸邸請遺書春秋立左詩毛氏
求是端非漫取譽

成趣園邊蔓草荒居人猶自說賢王漢家誰更齊芳者
祇有東平樂善蒼

暖

向南氣變暄輕裘遞日換韶光始醞釀野趣堪品判含
胎花倚牆放眼柳籠岸造物本無心寒暑互輪轉迴暖
率同欣迫冷多增歎協時惟益欽通政思以贊

紅杏園疊前韻

西極奠鴻功東山臨鳳輦郵程經古邑憩所駐閒館夜

息與室溫書接明廷顯所凜身無逸所喜書堪展今古
既因省絲竹一以遣五經賴誰明遐思獻王善

見桃花始開

紅杏園中桃始華纔舒春色未蒸霞底從名相分賓主
付與東風次第加

天天灼灼碧溪隈度索移將藍水栽屈指花朝纔七日
果然來復一枝開

過阜城縣

似畫疎村點如弦蹕路平柳將舒翠葉桃已綻紅英忽

度隴頭水還過枕大城埤垣今壯觀

去聲

凡百要經營

是縣

向頽廢今已
雉堞修整矣

陰

靄靄彌空宇不知雲所生已喜日御韜便望春膏零邇
來憑輕輿在在見新耕脈土多含潤無妨數日晴豫時
冀甘澤惟是祈農情

曉過景州

春烟斂處見城郭露冕行中覲臣民羽林警蹕爾莫亟
節屋暑寒吾最親政協剛柔要因俗風樹彰瘴歸以仁
每度戶口較先益足食艱致陳相因

題開福寺塔

曾聞埋雁塔或道鎮龍宮舍利堅終古偷婆高逼空
飯依信有所騁望自無窮忽憶錢江上登吟約畧同

賜予告尚書魏廷珍

懸車辭魏闕回駕返蓬廬望九人中瑞無雙林下居精

神益軒若風度尚彬如娛老詢何物三朝有賜書

微雨

武帳聞淅瀝遙欣攏畝滋歌枕為不寐須臾風還之情
知猶可待望澤每先時軍書傳夜鑰秉燭還詳披雖已
獲元兇尚未旋王師征伐固不勞撫定貴得宜昃昕天
漸明命駕將前移

入山東界

北民瞻過輦東吏迓來驄彼自分疆界吾寧有異同欲

知人疾苦漫誦歲和豐尚恐妨耕作興鋤候已融

衍聖公孔昭煥來接詩以賜之

春風二月又巡東釋奠今年為獻功詎止榮卿一家獨
可知尊聖百王同攜來四氏齊迎輅接上千年盡號公
故是尼山餘蔭永勗哉何以慎居豐

習射

曲阜瞻依馬首東和門有暇詠敦弓從來射藝足觀德
敢為武成忘詰戎枉矢三飛雕羽黑

朕發矢以三為度
率中一二或三皆

中其十矢廿矢連
中者乃偶為之

樹侯連中鵠心紅其爭君子不稱力

矍相遺風或可同

過運河

橫陳流運水直接度浮橋粟轉千艘永川歸百道遙曉
烟低柳綠春浪蘸桃夭東望州城近埤垣倚麗譙

再依

皇祖德州即事詩韻

東魯奠芹日西傾歸馬初告成遵

聖軌考蹟閱輿書

膽就萬姓歡扈衛千軍肅省歲占農桑敷政協寒燠

降旨加賑去歲山東被災州縣

去歲闔省豐被水甘州縣

去歲東省鄒縣等十九州縣衛秋未偏災濟寧蘭山郟城

日照利津五屬較重各按分數給賑穀貴者每石增直一錢至是復命加賑以兩月一月為差

其中尚

偏災况非所經見而我意惻惻如覩溝壑轉迎鑾耒老
幼載道衆無萬飽暖多欣欣忍彼向隅嘆亟重加兩月
其餘概賜半復慮倉儲少許以銀兼散銀不足穀價則

為增其筭勤民不厭詳廿年一誠貫有司善施行其令
吾恩遍

繁露臺

德州城內相傳董子著春秋繁露處後人因築

天人三策對賢良已見春秋大義彰那更高臺演繁露
轉思董子失之詳

鬲津馬頰河

聞之治河方利合不利分合則挾沙行分則其沙屯沙

行流乃安沙屯泛溢頻其言如誠當智乃過禹人九河
非分何何以免漲淪而今豈非合徒見淤河身我來過
大陸馬頰與鬲津今古勢既異空歎其蹟存更張豈易
言而況見未真利不十不變莫如流俗循

賜河東河道總督兼署山東巡撫白鍾山

治河以衛民表裏本相因况萃一身鉅其厯萬姓辛寧
當營供奉匪為事遊巡立位官須業名言昔可循

恩縣城南

柳變黃為綠麥抽芽作秧春光漸可望農事已相將莫
以就瞻切寧無耕作妨尊親衆情一益為塵如傷

夕

津期此日偶駐蹕歷城南望知不遙蒼茫暮色暝大野
悠揚笳吹發清宵三番去聲經臨均有事一晌省憶還無
聊向來欣戚何縈我侯度惟歌角徵韶

讀淮西碑

恩縣唐貝州高唐亦博郡我讀淮西碑遙想建藩鎮根

莠滋不除恬嬉誰過問憲宗大振作羣臣始懾震致魏
博貝襄從志皆恭順曰武不可究少息輯威忿元濟犯
東都萬口如一論因撫而有之無事休生釁帝曰有臣
同命師分道進度愬各努力獲醜兼執訊用是淮蔡平
鴻文勒碑峻譬臧獲背主操戈戶庭近縛之不為功縱
之徒致吝益因知政類安得謂武奮

平原道中作

古縣鳴梢發六駟觀民徐度短長郵平原食客傳豪志

韓信連營想壯猷却幸邇年復元氣

憶戊辰度此時正值災沴之餘邇年

連值有收大非昔歲景象矣

即看連壠茁來年有司除道非先務教

養良方要亟求

戲題東方朔祠

待詔曾聞金馬門千秋桑梓尚平原滑稽自是先生志
應笑叢祠像設尊

荏平道中雜詩

金根重此度重丘民俗詳觀並細詠日日迎鑾扶杖者

銀牌養老被恩周

命內府製銀牌書養老字以賜老人年七十以上者

千秋東郡此荏平荏荏相沿浪與名應幼堪稱依正注

宋祁殊是失精評

前朝瀛海桃初放今日平原杏正開客路東南迓春去

韶光次第接人來

趙勝千金終不取聊城一箭遂全平解紛詎獨時人重

野店長存望魯名

荏平有魯望店云即魯仲連故里

漫稱水部早成仙獨許唐臣善弼愆說與都人士相勉

繼蹤何以續鄉賢

檀廬

架木圍檀製朴淳明駝裝載便時巡舒張收卷渾如意
宵養書存恰暢神秉燭觀書思汲古披衣問政惕臨民
江南塞北殊風景箇裏拈來總靜因

江蘇巡撫莊有恭來迎詩以示志

恐妨賑務罷南巡

上年降旨令春南巡旋以秋災待賑恐有司因迎蹕致妨賑恤亟詔停止

何事遙來肆覲頻政以連疆誠太泥去聲業因夙駕許端

臻

南省諸臣聞朕東巡咸以接壤奏請迎覲皆止勿來
莊有恭適查賑渡河而北距曲阜既近因許速至欲

面詢撫
恤情狀

江鄉疾苦吾恒切前席疇咨汝悉陳調幕同應

抱深愧速歸其善活斯民

杏

依依攏首綻紅英斜拂吟鞭最有情況是輕陰方釀雨
可人時節近清明

上林千葉想芳華驛路婆娑也自嘉真覺春光不偏黨
一般繪到野人家

成蹊桃李自無言有意盈盈護華門分付行人慢輕折
幾多生計箇中存

蕊含韻吐無香馥辦染姿標却艷紅偏是東風解相平
妒絳林高下鎮蓬蓬

御製詩二集卷六十一

欽定四庫全書

御製詩二集卷六十二

古今體八十一首

丙子三

少岱

少岱泰岱之右臂起伏蜿蜒數百里以少於岱因得名
元方季方兄弟比平原曠望行半月罨目真教見山喜
尋脈東瞻乃不窮堂堂霍霍依稀是或為乾闥或坤闔
半倚天邊半雲裏膚寸因之希崇朝處處祈年心未已

掛劍臺

柯邑遙經掛劍臺
延陵高義儼如哉
使還上國心無倍
應是請觀周樂迴

穀城

道濟全軍自退師
量沙夜半計誠奇
當時擬問吳兒輩
何事長城自壞為

夜雨

觸石合膚寸如膏
入夜零正當春布
澤真是嶽稱靈清

響愛濺滴寒光想杳冥
羶廬欹枕處耐可徹宵聽

曉行

春晨雨少間啓蹕駕言東
齊地自依舊昨朝迴不同
潤含麥頃綠燃豔杏村紅
也為三農慰秋遙敢道豐

菜花

黃萼裳裳綠葉稠千村欣
卜榨新油愛他生計資民
用不是閒花野草流

宿雨初收冪野烟金英千
頃遠薦綿幾株紅杏低枝
照

大似蘇堤春曉天

特清風味不妖芬
韡燿光中驛路分
連攏綠竿相映處

此黃雲先

去聲

彼黃雲

過東平州

須句經古邑膏雨霽公田
塵淨鳴鞭緩曦柔
徹蓋前安民期不擾
擇吏懋勤宣漢室
諸侯衆蒼惟樂善傳

即事

昨來掘堞每颺塵
許民跪覲禁趨走
春郊雨霽氣澄鮮

喜以民同樂以後羽林呵斥今不須隨行一任紛左右
仰瞻扶老而攜幼笑呼摩肩還接肘東顧即聞西者怨
後來復與前為偶行未十里聚數萬咫尺馬旁盡翹首
尊之親之爾愜無教兮養兮吾何有

復雨

又喜烟絲霏駐蹕恰如雨脚讓征途布棚點滴何虞漏
蕪甸高低總既濡已為三農慶生穀也憂七萃歎漸塗
一犁春月誠希邁遙憶京畿得遍無

鳳凰臺春望七言八韻

有序

東平州東南五里許平壤中土阜孤峙林木隱映
似崇臺舊基其上層樓四望以供登眺圖志無考
不詳得名所自丙子東巡行營直其西北駐蹕之
次臨覽小憩詩以紀之

鳳凰臺者是誰名拔地岌堯近大營咫尺適逢萬幾暇
登臨遂暢好春晴帶齊襟魯歸憑覽女織男耕入品評
恰喜甘膏霑綠野不誇綺畫綻紅英眼前遠景趣無盡

雨後高軒涼峭生萬帳官軍皆扈蹕千村民氣自和平
紀祥應笑元嘉幻得句寧同李白情此去尼山云近止
出圖憶嘆不聞鳴

渡汶河

湛湛復沄沄長虹亘兩瀆山川千里互齊魯一渠分濟
運常資是成盟舊所聞道元稱博覽已見數名紛
源出仙臺嶺依稀石汶真春寒勒萑葦雨過漲漣淪公
玉漢竒士白英明老人徐行撫澄晏惟是厪觀民

三月朔日

魯甸韶光舒艷裔齊民和氣悅觀臨即看鳬藻尊親意
益厪鴻圖教養心萬頃綠雲秋麥蔚千村紅雨杏花深
浴沂春服依然近胞與懷從點也尋

度泗水橋

遙源出陪尾蟠螭卧波橫露浥花光潤烟低柳意輕民
風勝前度時節欲清明瞻仰宮牆近曷勝望道情

洙河

祥流知自孔林來萬古儒風此溯洄釋奠攄誠猶未已
椒漿應再酌金罍

至曲阜二首

鳴梢重至

聖人鄉雨霽青郊正豔陽元氣閭闔復前度儒風經史
表他方八年歲月駒兮電萬戶恬熙耕與桑益止叩瞻
申積悃

素王教澤並天長

彩煥金聲玉振坊辭輿肅步意存莊翼朝自式秩宗禮
此日虔申古鼎香撫蹟還教每事問致思合是不辭詳
堯題

舜額欽瞻處尊

聖吾朝典益彰

駐蹕古泮池

曲阜城南隅清池畝許上有古柏數株蓋千餘年
物相傳為魯泮水之舊所司即其地構室數楹以

存古蹟丙子東巡駐蹕於此適符在泮之義因成
過魯之篇

古池上小築新宇在泮真看此獻功本意告成

孔夫子舊踪憶始魯僖公干雲古柏城頭綠過雨春花
水面紅大吏何須謝草設禹吾無間是卑宮

釋奠

先師禮成述事

莅止重瞻禮器遺翕如既備協金絲星霜倏隔八年序

日月同昭萬載師芹藻獻功

皇祖述宮牆煥道

素王垂可封比戶吾恒願教養均闕慝自知

古泮池雜咏

十里東郊舊魯城

見輿志

新城安得泮池名采芹獻馘今

符古聊聽傳訛此駐旌

思樂當時詠泮水興賢育士率於斯祀成信宿鳴梢去

安用栽花蒔竹為

玲瓏疊石寫三山古樹龍蔥出罅間始自何人注經誤
欲因考證未逢閒

結石為池護水源更聞池上有臺存書雲下歲云於是

舊傳此為泮宮臺又名書雲臺即魯公登臺以書雲物處觴濫依稀自道元

魯僖基兆猶然在不見靈光歸獨存

魯靈光殿云與此相近遺址今無可

考王逸蔡邕還輟翰荒丘一過更何言

幾株古柏參天翠一沼春波徹地清池上疏軒陳筆硯
誰能坐此閣吟情

再依

皇祖過闕里詩元韻

奠茆遵

堯軌攝齊升

孔堂家鄉自鄒魯

廟貌儼門牆一貫心傳接千秋德澤長所希文教煥佐
我治垂裳

賦得手植檜疊舊作韻

松身還柏葉拔地復擎天龍角均無見鴻名獨尚傳真
稱卓立爾那藉屈蟠焉新幹仍連理太清空左纏重看
承瑞露會得拂祥烟遙憶緇帷映敦書勵已干

杏壇

重來又值燦開時幾樹東風簇絳枝豈是人間凡卉比
文明終古共春熙

詩禮堂六韻

書堂殿左陞進講憶於茲

戊辰謁聖廟禮成於此御講筵進講

以立應

惟禮為言必在詩義因陳亢發名自伯魚垂益切重來
慕還教欲去遲唐槐宋銀杏今日昔斯時望道吾何見
徒存景仰思

故井

改邑不改養無窮心惻王明嘆鳳同可識當年飲水處
曲肱樂亦在其中

魯壁

故井前頭綽楔碑傳開魯壁響金絲經天緯地存千古

豈係恭王壞宅時

謁少皞陵

三皇道重闡太皞法能脩日月明同照乾坤澤並留
鳥祥官紀號金德王開猷疏仡惟名字鴻謨竟莫求

謁元聖祠

東山宗國重巡狩元聖崇祠設必芬三吐有勤殷接士
一篇無逸訓為君輔成跡不同遷甲忠武心原為孝文
官禮睢麟共條貫諸家注解惜徒紛

大庭氏庫用唐李白詩韻

肇建大庭氏遺臺尚巍然千年異世代萬井富人烟是
時暮春初柳綠花紅天齊民勤耕桑魯士習誦絃登眺
懷太白空聞悲逝川

謁

孔林酌酒

一老名愆魯兩楹夢奠殷聖惟知有命天豈喪斯文六
尺存瓴甃千秋鬱柞粉墉前欽下拜景仰寸心勤

子貢廬墓處

性天不可得聞廬墓心喪六載勤楷樹至今枯不朽
應同植者意堅云

三月三日八韻

畢禋辭曲阜紆覽向泉林元已途中度良除馬上吟芳
春真入畫薄靄又成陰處處黔黎喜村村花樹深鄭周
傳故事庾沈協清音已見旌門設居然帳殿臨羽觴權
可罷玉缶豈須尋靜想吾曾到蘭亭曲水尋

雨

每每千里遍含濡又澍甘膏雲脚鋪五日再霑驚未有
當春盈尺得曾無所欣過午初停蹕便擬臨沂學舞雩
南望尼山剛入牖瀟湘移得米家圖

即事

自我入齊境長途經邈迤箭直掌以平掃除信勞止路
旁百步間乾土堆壘壘借問此何為云以備泥滓笑謂
春雨艱寧有作濇理惟應慮揚塵貯水供洒耳靈嶽膚

寸合崇朝遍千里亦未致漸車埃壻則無矣五日又作
霖優渥勝先是朝來命駕行殊覺涉波已以土藉塗澱
馬不勞策策始知豫立意更悟用材指陶侃藏木屑愧
吾未及此

至泉林二首

脩禊昨纔過上已禁烟今已近清明綠深草色輕風拂
紅潤花光宿雨晴老幼就瞻由次第泉林蒼秀正逢迎
碑亭肩鼎先欽讀益識

文謨望道情

奎章明喜尼山近我自尼山祭罷來

康熙二十三年
皇祖南巡還至

曲阜先經此駐蹕
中有宮牆親觀至止非遙語

御製記

舊日行宮重脩葺暮春

曲水足追陪泗源疊出似之矣

正義謂泗水出濟陰乘
氏縣水經注則謂出魯

卞縣故城東南桃
墟北蓋即指此

陪尾傳訛久矣哉

括地志云泗水源
在兗州泗水縣陪

尾山史記正義引以注浮于淮泗而禹貢熊耳外方桐
柏至于陪尾史記作負尾漢志作橫尾孔傳謂淮出桐
柏經陪尾鄭氏謂在江夏安陸東北吳澄書纂言則云
安陸橫山非淮所經當即泗水縣陪尾山其以橫尾為
陪尾者非是蓋安陸之陪尾別為一山道淮自桐
柏東會泗沂安得至江夏安陸唐志甚明可據也

林色

泉聲欣始遇得教散志一徘徊

泗水源

括地志泗源在兗州陪尾稽古有宿志而况親臨是淥
淥翻趵突不知凡有幾云以四得名舉其大者耳導淮
自桐柏東會入于海叶淮已讓河兮泗亦濟運矣均非
禹貢故今古異如此安得奏底績吾民免墊圯

泉林行宮八景

近聖居

泉林去曲阜百里而近逾昔可至依泉為行殿

皇祖經臨處也澄觀靜契如觀羹牆

去聖如斯近紆鑾未至遙林烟鎖寒食泉氣漾虛寮翰
墨於焉挹囂塵一以消潛求應不舍家法具

神堯

在川處

川為泗水之源舊傳即子在川上處原泉混混默
喻化機想見至人會心不遠

綽楔伊誰勒嶼巔四圍喬木俯臨泉既稱夫子在川處

安藉釋迦別教傳

右有招提曰泉林寺名與地殊不相副故戲及之

責實循名

又奚必枕流漱石且云然從今橫尾一拳石來往何妨
著寸田

鏡瀾榭

淥流環繞帶以迴廊疏軒臨池澄澈見底錦石斑
璘漪瀾縠縐信可樂也

荇藻翠若梳鱗介紛可數出牆為泗川西流自終古

橫雲館

泉東平岡迤邐蓋陪尾支幹虛堂閒敞膚寸觸石
涵起硯席間

陪尾西來一尾垂三楹閒館築於斯誰知聽乳竇鳴處
恰是看巖雲起時

九曲約

循山麓東南行諸泉奔匯而西步約屈折宛轉因
以武夷仙源目之

拳石介中間左右泉無數出牆匯為川始遵泗河路牆
內左者高亦不向右注地靈蹟必奇伊誰知此故溶溶
開鏡湖彼岸多古樹我欲攬其秀曲約可過步

柳烟坡

橋南草亭映帶疎柳朝烟新綠悠然有浴沂風雩
樂趣

清明時節輕絲翠淡染朝烟新雨霽此情此景始何年
又識何人吟此際此際清吟恰值吾梳風冒靄相扶疎

未藏金衣弄笙管早教玉斧赦樵蘇因懷點也善別撰
浴乎沂而風舞雩

古蔭堂

西偏古木大數十圍輪囷垂蔭不讓詩禮堂唐槐
南華大年未足語古

灌木不論名字古榦各具精神幾經春風秋月適逢美
景良辰千載以來伯仲百尺之上輪囷偶坐愛斯嘉蔭
緬懷植者何人

紅雨亭

方亭四敞藥欄苔徑致頗清雅適文杏盛放春雨
初霽紅濕彌鮮

芳郊勝值寒食嶽雲初泮朝烟綠明堤柳疑暗紅濕山
花更燃

河南巡撫圖爾炳阿奏報得雨

魯甸春膏渥以優便因接壤憶中州飛章見說一犁足
額手同民望麥秋

清明二首

迴旃背泗水勝節指清明新火新烟候斯來斯往程風
輕春日冷露重魯天晴莫漫孤芳草即看有落英
郊原宜野望紅綠已馨薰那見鬪雞會空傳禁火文雨
餘迎目潤春滿入懷欣按轡同民樂誰訶語笑紛

過東平懷鄆州谿堂因用蘇軾韻

創建長慶中重新元祐後新堂亦已頽荒基禿衰柳我
行經古邑馬上拂吟袖韓文與蘇詩千年炳星宿谿秋

月仍鏡谿春泉尚溜藉問谿堂人以何稱不朽馬總鎮
此方賓從會旨酒其時寧晏康濡祔而補漏

聞京師得雨誌喜

魯雨齊雲數日連神州北望為心懸一封乍見馳遙驛
三寸欣知霑大田膏溢麥牟想芄勃澤餘花柳續蔦綿
當春千里歌優渥若惕持盈意倍虔

東阿

毀賢譽不肖真舛佞者其人周破胡都道齊威並烹合

納忠亦識損之乎

穀城

迴軫言重經穀城遙因攬古寄閒情葆祠立戍均難考

為北於南鮮定評

按一統志云穀城在縣南十二里礪礪山之下宋檀道濟唱籌量沙之所

立戍守之云云而府誌又云穀城山在縣東北五十里即黃石公期子房處所紀不同究亦無可考且喜

綠含千頃潤愛看紅護幾村迎初過方惜春光淺又見
風前有落英

習字漫詠

去程喜新景挾藻臨瓊廬歸途率經見習字向紙疏設
非斯二事奚以遣幾餘耽斯並政懈吾寧肯為諸李杜
有佳句鍾王存法書人均非逸者藝也道與居繕性得
深資何事非起予

三月十一日即事

又是暮春旬一日恰於齊地德州南八週駒電忽今度
廿載齋莊作昔談此去徘徊空復爾

將以回鑾往叩
東陵孝賢皇

后陵寢亦
所必至

邇來憂樂大都諳寥天古月依然照逝水流

光正好叅

入直隸境

往返纔過廿日強青郊爾許燦韶光桃花已落杏花放
春麥新萌秋麥長開福前瞻梵王塔昌平背指聖人鄉
省心也識三幡義治世惟殷九敘方

紅杏園

緇帷昨燦發日華今吐英南北暄寒殊遲數百里程各
以驗氣候均因賁文明尼山信莫由河間良足旌一例

芳春葩較於他卉榮駐節適在茲畢然興遙情

陰

烟光芡麥鬚千里均霑濡輕陰將釀雨佇望為躊躇預
虞風却還翹思澤沛輸情知土含潤春膏謝多乎因悟
倖恩心吾民那能無

日華舊蹟坊

好古求書禮賢者典型想像尚貽斯譬如鷦遇虎賁士
我亦因生北海思

即事

趙燕齊魯四分封小國仍多屬附庸一月行程周歷遍
當年政令竟奚從

萬柳堤

鄭州城北臨長隄緩著玉鞭珠勒嘶

馬之善走者名珠勒

去日黃

穉試烟嫩歸來綠葉布陰齊

趙北口行宮六韻

駐臨趙北淀座愛近西窓白水目千里青天鷺一雙鸞

環帶洲渚森戟茁蒲荳蝸舍烟遮郭鳧舟風送簾空濛
真入畫欸乃不成腔坐到深更後冰輪正滿江

南苑行宮疊舊作韻

有小序

孔林告祭禮成旋蹕展謁

孝陵

景陵由趙北口取道而東經臨南苑遷次逾宿循覽舊
題感時觸緒輒仍原韻用述近懷

離宮信宿重關情綈几芸編觸目清詎料鹿豕仍計詐

尚教頡利待擒生

起鑾日西路軍營馳報擒獲阿睦爾撒納露布蓋據以告者乃逆賊緩師

之計也已而策楞等知其詐督兵速進刻期往擒

驅除已奏伊犁定

初阿睦爾撒納潛蹤

伊犁間大兵至乃遁去喇嘛人衆來迎策楞等遂以二月二十四日收復其地

旋轉終歸絕域

平

謨烈在天祈默佑

橋山東望薊雲橫

烟郊行宮晚景

朱鳥蒼茫落遠天
碧螺約邈隱暝煙
蕭齋翰席偶今夕

江硯宣毫又隔年
牧唱幾聲度牆外
庭花一樹舞風前
壁詩不擬重追憶
自識吟時已惘然

恭謁

孝陵

風雲環衛是先天
松柏陰森近百年
一脈

精神孰知遠萬方
基構况承

前玉衣石馬驚霜露
瑞嶺祥峯切顯烟
耆定遐荒藉
鴻佑特盈思永益
乾乾

恭謁

景陵

三征我武輯寧夷一面姑寬順應時奠遠庶因愉

素志告成敢以達衷私

音容三十四年隔

德澤百千萬禩垂不數斯來緣有事不疏每到迴含悲

駐蹕靜寄山莊疊去歲韻

園莊門設戒常關闢達心殷宵旰間正是芳春漫孤景

聊因清暇一遊山觸懷默識趣偏永即境拈吟例可刪
踰月東巡屢問

寢較於五日更無閒

去年二月駐此有五日為期何太速之句今春因告祭闕里取道

謁

陵旋蹕過此計程已四十餘日念切問安信宿即去於山莊內諸景概未拈吟故云

天成寺

石門花木鎖春深塔鐸風鳴滿字音我欲摘毫吟所得
不知何處覓吟心

萬松寺

前年為惜松遭劫去歲還欣松復蘇都為此來叅活句
色空空後所空無

青峰寺

暗琴不見響潺潺一谷梨花笑破顏雅似吳中香雪海
遶飛逸興到其間

雙峰寺

度壑穿林纔片刻雙峰一榻恰怡神迴頭擬向如來問
彼此伊誰是主賓

法藏寺

法雲界裏青春靜祇樹林中翠罕移却指盤龍猶好在

盤龍笑答不惟斯

是寺有盤龍松近千年物昨歲曾圖之並作歌

雲罩寺

跋馬言臻最上層樓窓納遠一臨憑定光猶在孤雲表
姑舍是予待再登

少林寺

徑下盤紆蹠罪嵬新詩檢點訝奇哉恰如指月錄開讀

七偈拈從七佛來

迴鑾詣暢春園問


安

踰月東巡隔

寢門喜瞻佳氣藹仙園欣陳春壠都含潤即看甘膏又
沛恩

德化周姜更殷簡興居夏清與冬溫普天億兆人同願
萬載千秋奉

壽萱



御製詩二集卷六十二

欽定四庫全書

集部

御製詩二集卷六十三
四

詳校官尚書臣德保

助教臣常循覆勘

總校官原任中允臣王燕緒

校對官中書臣朱圻

謄錄監生臣潘璣

欽定四庫全書

御製詩二集卷六十三

古今體一百二十首

丙子四

常雩禮成述事

崇隆王陛

泰壇圓咫尺

明威對

昊乾祭舉常雩占角後澤霑三日潔齋前情知夏長秋

成遠顙顙五風十雨駢敢幸時和弛乾惕躬親昭事願
年年

御園即事

山亭水榭報清和踰月流光迅若何樹試綠陰方張王
二字
去聲花留紅意亦婆娑亡魂縱是逃獫狁獲醜惟應待

洛那

叛賊阿睦爾撒納竄入哈薩克界計當擒縛以獻洛那即大宛今哈薩克也

也識事難

期盡善洗兵志在挽天河

去歲平定伊犁而阿睦爾撒納中道叛歸煽惑伊犁宰桑

喇嘛等亦有附彼為亂者已而衆知悔過欲擒彼贖罪又以衆志不齊竟致竄逸今我軍既至伊犁大局已定

特以窮極遊魂未即致停而
大兵人不可遽撤為可遺耳

漢玉夔磬

于闐綠玉含菁英白虹五夜寶氣騰昆吾奏巧雕鏤精
神螭轆轤翔雲征聯翩伏翼瑤光明非環非玦非珩璜
鏗然流韻清泠泠后夔夔擊諧韶謦九苞丹鳳來虞廷
宮懸樅業依管聲奏格清廟和且平時顯時閔塵劫更
土花凝碧韶光晶神工艷奕召六丁至寶終不幽岨局
肯教褻玩供俗聽薦之溫室珍連城座中琬琰羅縱橫

靜對淵穆舍古馨為闡潛德視此銘

題王問畫拾得像

色空作麼生會袈裟聊爾蔽寒皤腹箇中無著哆口常
自餘歡適遇傳神子裕底殊饒舌豐干依稀向人欲語
云當作如是觀

兩韻詩

膏以明煎玉以英錯智者千慮愚亦一得伐胡見戮築
牆見疑非知之難難於處知虎威以爪劍利以鏑強弩

之末魯縞示弱達人知命君子見機滅竈徙白言戒非時

文徵明梅竹雙禽圖即用其韻

有梅未覺小園荒
間竹真稱君子堂
對語山禽不飛去
為耽幽籟與清香

初夏萬壽山雜咏

水態峰姿入夏新
名山踰月此遊巡
光春題句方粘壁
許爾相看日以陳

六橋隄畔菜花黃影入漪瀾錦七裊遲較青齊將卅日
農家月令信何常

層樓雅號畫中遊四面雲窗萬景收只有昆明太空闊
破煙幾點下閒鷗

長隄幾曲綠波涵堤上柔柔好養蠶為重女功勸燕北
漫猜畫意肖江南

青蒲白芷帶沙漬小艇尋常狎鷺羣棹入輕烟忽不見
數聲伊軋遠猶聞

惠山園

峽聲入夏壯林色較春濃徑度鏡中約遙聞雲外鐘迎
眸惟靜趣隨意作清供塔影波間落還疑印九龍

柳橋

著箇輕舸弄拍浮漾沿直到柳橋頭漫漫晴落謝家雪
却似山陰訪戴游

鏡橋

匪垂虹影詎拖紳何處空明可著座若道湖光宛是鏡

阿誰不是鏡中人

昆明湖中泛舟題景明樓

逗景明湖漾木蘭層樓影入碧波寬開篷恰喜來澄照
倚檻何殊暢遠觀聳翠流丹相上下沼芳隄卉未闌珊
當年忽憶曾題句

樂善堂集中有詠水中樓影之作偶爾心憶興在目前

卅載流

陰一指彈

浴佛日偶題

五香水貯淨琉璃共道生從右脇時無垢至人還待浴

洗心竟者又伊誰

題張宗蒼林壑幽居圖

淡真最愛宗蒼畫搜索應教概遍吟只恐衡門彼作者
林居却悔未曾深

大雨

四月十日

豐隆作解沛滂沱數

上聲

日何曾十日過律中筑琴拊銀

竹絲無機杼織空羅穗將吐益資薺麥苗始生真利黍
禾一念聖狂獨忖處慰心那抵懼心多

題錢選諸葛亮南征圖

槎渡羅瀘態逼真先南深入豈辭辛如何集衆多烏江藻

不見綸巾草表人

是圖畫衆軍渡瀘江山谿魚貫前進之意而無武侯像故及之

雨後萬壽山二首

夏初景逼潤雨後曉猶涼湖水新添漲山花未歇芳
白蠶纔上箔綠稻欲分秧耕織圖常攬而非趙子昂

邇年雨覺易春末夏初時愁少即為幸恩多可弗寅望
秋遙若彼問景暫於斯山意將林色佳哉觸目滋

瑩心堂

跨壑築小室其下淙流水出狹稍就平成池繞堂趾因
以瑩心名澄照俯尺咫置杯膠何有印月清無比理趣
會於斯政要通乎彼

月波樓二首

團圓寶月印波心殊勝光明契淨深却是春宵秋夕下
幾曾攬景一登臨

月自光華波自寬佳名雅合署樓端由來出想當然耳

饒是曉蟾幾度看

鑑遠堂

臨湖構虛榭萬頃一窗前謝氏清明鏡米家書畫船空
澄愛天水飛躍任魚鳶觸緒契神解理詮復政詮

詠六蕪齋

六蕪齋號豈云徒妙義因何默契夫秋月春風常得句
山容水態自成圖開窓魚鳥含天趣敲案詩書味道腴
慨想唐虞代已往迭為賓主事斯無

泛舟玉河至玉泉

月餘未經歷雨後一沿洄拍棹水聲去逼蓬山色來插
秧千畝潤鎖葉幾林纔望杏瞻蒲裏觀農實慰哉

清貯齋

背屏張翠峰前榮羅古樹峭蒨處結構菁蔥中得路既
深益佳趣頻來似始遇花宮聽仙梵鈿几遊竹素五蓋
既已去三幡亦因悟

靜緣書屋

迴廊緣石洞窈窕復深沉本意在山水忘懷成古今無
風松自響入夏鳥還吟片刻消清暇千秋寄靜心

題董邦達千巖飛瀑

詭巘縝紛疊樹蒼濺珠噴玉意含涼武夷勝處稱九曲
白也詩情寄兩章有葉貼波皆浣錦無風出峽亦吹簧
設云著箇人聽好未識無人趣轉長

題張宗蒼萬木奇峰

槎枒樹出石嶙峋深秀盤中絕四隣碧澗清潭成麗矚

蒼葭白露想伊人樓頭何異陶弘景谷口宛同鄭子真
肥遯長年圖畫裏安知世上有蒲輪

竹如意

文心德裕賦禪意皎然詩尚有天然節全無側出枝羅
公術終幻僧紹賜真宜獨喜清談處如逢君子時

偶倣倪瓚小景輒題以句

藝事偶寄懷固知非所貴近來更有悟每倣雲林意

詣玉泉祈雨

十日期還過分龍候正迴旦明希沛澤堀堞鎮揚埃德
水真靈矣甘膏冀霈哉亦知遲節氣是歲逢閏五月二
十四日始夏至
何以救楚稌雲望目惟倦景攀興轉灰名山權閣筆匪
為豫遊來

雨

四月廿
八日

三春惠欲虛一犁澤希渥迴首憶前茲惜哉欠普足

解一

秋麥秀未實春麥苗未秀向擬充口腴今切燃眉救

解二

麥歉北方常去歲乃幸然所憂在禾黍多未遍種田

解三

晝畏赤日炎夜望列星燦更值籌邊殷憂度明日

解四

簇雲亦已升終風又阻遲踟躕心弗寧徘徊竚階序

解五

風聲讓雲勢雷雨忽解作入夕霏溟濛未敢云何若

解六

霧霈為蔗纖其力復漸微宵衣亦就枕無眠以吁唏

解七

數漏達五更凌晨風又起慰不抵予愁反側問無已

解八

雲恐風送去亦賴風送來須臾更大沛優零辰已牌

解九

興鋤利秋稼登盤報夏收夏至遲廿日

北方麥收在夏至後

探節

舒眉頭

解十

即晴亦云可再雨斯益善霽烟散午曦惜意

仍展轉

十一
解

人苦不知足於得誰厭多自我尚如此何

能怪其他

十二
解

題李紹箕谿山訪隱圖

詰曲山椒有路通溪堂猶在白雲中終南若復來高憚
作者伊人定姓種

詣玉泉山謝雨

陣雨沛今昨都來七寸滋敢云誠有格信是澤無涯碧
水增新漲青山助舊姿遠方霑也未慰矣復生疑

甄心齋

詭峰窈窕竹玲瓏
蹠步行餘小憩躬
心緒欠佳艱迴句
山齋信美愧卑宮
雨苔欲吐痕無定
夏葉雖齊望轉通
安得逍遙託物外
惟應飢溺厓囊中

湛華室

好山一牕足佳景
四時宜峭蒨尋蹠
步菁葱入室披風
松蒼帶爽雨蘚綠
含滋水木清音滿
悠然陽夏詩

清音齋

表裏湖山處棲遲翰墨筵玉泉斯最古長夏可稱年風
篠含輕籟晴陽卷淡烟寧當亟耽靜蘭漿待前川

玉河泛舟至石舫登岸

順水輕舟如不行五里玉河半刻爭山移岼轉一篷裏
昆明石舫相逢迎舍彼登此祇跬步一例飛雲異進住
浪花拍舳却無停翻覺乘流得佳趣動靜名相誰主賓
我亦因之悟匪真迴首玉泉遙若彼復識匪真無定理

嵌巖室

林壑入奇觀烟雲足佳致嵌巖擬陶穴峭嶺饒清閼棟
宇既不藉藻績安容試門惟一洞幽席可十笏置俯仰
託遙會棲遲得近憩堪蠲五蓋累以受萬物備縱匪木
石居時復有此意

翠籟亭

寒濤謾謾綠雲巔嘉蔭叢中有翼然真是色聲清淨所
尋常視聽合都蠲

唐寅對田騎犢輒用其韻

牽牛從未敢蹊田南畝躬耕望有年手捉漫疑包氏剏
心空那憶祖生鞭

五月五日恭侍

皇太后觀龍舟

應節陳嬉悅

壽康天中金翼晷方長龍舟一律候旗颭水樹千重入
座芳已慶迴枯蒲劍綠更希繼澤麥雲黃問誰解禱江
心鏡頃刻為霖遍八方

詠赤玉韞

圓外合規度虛中命琢錯勁能發鵬羽赤可擬雞冠贈

鄒鍾繇

韞，玉也。見詩衛風疏。

彈羞潘岳九穆如文作佩允矣德

堪觀

王蒙幽林清逸

老屋喬林下清溪峭壁邊會心多野趣契理謝言詮已
下延徐榻誰拏訪戴船何須羨李郭塵世詎登仙

遣悶

救急剛欣潤土纔甘膏未繼却聞雷祇愁雨澤風吹去

安得逋逃人獻來

逆賊阿睦爾撒納竄入哈薩克境命兩路帥師往捕計當執縛來獻

肝

食宵衣增慊惘山亭水榭那徘徊翻書遣悶消香穗一寸流陰一寸灰

新蟬

新蟬樹杪試聲初了識流光過隙如五月南訛心益切
二聲明受望成虛終風歌暴惟姜氏繁露調和孰仲舒
鼓翼嘈嘈增聒厭那如鳩喚利耕鋤

曹知白東園載酒

歌岼閒維載酒船
劇談虛榭眇江天
主人好在客將去
防誤亭中草太元

文徵明松坡高士

松陰有客貌清臞
可喚仙翁可喚儒
手把黃庭向空宇
即心即境契虛無

詣

黑龍潭祈雨

五月十三日

靈境

神憑所誠求每在茲不來惟昨歲

北方春夏之交無歲不愁旱惟去年未至

此禱雨耳

亟待又斯時蒨沓氣方決滂沱澤庶施綠苗色雖

好敢道未妨遲

細雨

細雨不成寸徂雲去弗留人言將釀澤我覺祇添愁
十日期應迫三農望莫酬無能甘玉食諒匪為身謀

河南山東奏報麥熟

九牧奏麥穀大都以十計五六為中年遜此則歉歲七八稱半豐九十恒艱致齊魯春雨佳其後過晴霽因之芒種候未得飽結穗茲云羸七分疑信吾叅置中州春及夏屢得霑甘惠麥收報及九額手欽

天賜不以近獨厚寧因遠弗逮為遠慶恐浮觀近愁難慰仰首瞻晴

昊恩膏難久滯

題張宗蒼山水

雲欲蒸為雨林疑動拂颺名山神入處高士目成時蓬
戶跡無足蘿蹊細若眉依稀精舍畔梵放度來遲

復詣玉泉山祈雨

五月十九日

靈境奚辭瀆

明神靡不宗瓣香莫伸悵越席強為容浩浩常敷澤英
英望起封豐隆消息好靈霽晚來濃

雨

五月二十日

陣雨油雲數日連徘徊蘊釀始初然難為去歲春膏後

原是常年夏至前

北方春夏苦旱每於夏至前後始得霑足

餅餌登盤期半

熟黍未被壠觀全鮮籌農深為吾民幸敢即云怡意倍

乾

詣玉泉山謝雨

夜霖歌枕聽簷聲優渥庶纖曉未晴數縣甘膏起禾黍

望雨者亦不過近京數州縣耳

同堂慰志對公卿

是日御門理事

趨酬

神貺連朝謁渴冀為霖續尺盈於可欲應戒知足十思

吾未逮元成

華滋館

綈几芸帷小憩時
四隣草樹總華滋
昨朝愁亟今來喜
愁喜何關境乃移

心遠閣

敞榭崇椒上尋蹊
展步行樹梢延野趣
雨後愛山情村柳含烟護
田禾趁潤耕
詩鐫歲月今昔驗分明

分鑑曲

夏仲林光猶媚雨
餘漲影未消
比似武夷一曲登仙那

藉虹橋

春雨軒小坐因而成詠

去歲春雨好軒成因名之今年春亦雨清蹕方東移歸
來已夏月始佳後愆期侵尋亟待澤霑足幸今茲砌葩
鮮以馨屏林華且滋所喜不在此開畦繞前墀菜甲既
勃生麥穗方飽垂學圃豈鄙哉驗農亦因斯先是雖慰
志後來復願時

鏡水齋

形若菱花澄若空妍媸不示自臨中無於水監於民監
周誥分明驗異同

題王蒙曲江草堂圖

山清水秀樹蒼蒼擇勝偏宜築草堂自是古人企遙慕
不知為杜抑為張

西直門外

石街廿里鳳城西雨後郊原綠欲齊晨露滾滾暢好潤
夏雲靄靄易為低幸逢有是霑恩霈那忘前茲待澤稽

迈法宮緣致齋戒觀農為慰更欽兮

命緩徵浙江本年正供詩以紀事

總督喀爾吉善奏浙西春雨過多麥蠶俱減因命
緩本年應徵賦稅以抒民力並詔江蘇大吏察上
年灾重之地一體緩徵以示軫卹

越角連吳根被灾大都似吳吏陳備悉越牧或諱飾
所以蠲賑惠遂因異倍蓰徐察知其然補救原同視茲
聞蠶麥歉益切飢溺已蠲租及截漕次第施行矣緩徵

逮本年例外蘇瘡痂絜矩有常經念此寧忘彼申命詔
吳中民瘼虛心揣其有灾重區於越恩一體致和已愧
之拯灾可更委顓望九秋登元氣復閭里

齋居即事

朶殿深沉暑不留清齋晝靜篆烟浮短長南北日占晷
小大往來易暢周覺道有風原解愠思量無雨那消愁
問予愁果全消未尚為去聲籌邊繫念悠

唐棣松陰釣艇

長松謾謾翠濤寒
緩棹清溪把釣竿
節概自教千載慕
展圖便擬富春灘

北郊禮成述事

澤壇殷祭舉平明
大禮躬親歲歲行
雲幕崇帷歌舜紉
蘭浮泛齊式周清
鞠躬進退伸三獻
傾耳宮商逮八成
正是乘離助養候
撫辰茂豫奉長羸

江蘓巡撫莊有恭奏報麥收聊用誌慰

江國重稻杭粳麥
本餘事然足接青
黃邇來頗勤蓺澤

水實警予灾沴重去歲蠲賑不遺餘米豆仍免稅補救
乃百一豈若康年賜南北節候殊麥收先夏至大吏報
佳音云得九分逮市米因減價吾民賴稍濟禁麴令再
申毋使耗天惠因積亦並防毋徒利三倍搏節待秋收
庶得復元氣曰予有後命遏糴古所忌兩浙近接壤蠶
麥歉此際流通貴得宜毋分彼此地遙遙望南邦慶慰
以為愧

朱德潤溪山秋霽圖

薄薄苔陰減清風樹杪添霽光猶未定雲影戀峰尖

詩

黑龍潭謝雨

靈澤虔瞻叩酬

恩為既霑露多晨益潤風爽夏無炎柳陌濃陰合黍疇
生意添心馳大覺寺翠輦遠峰尖

遊大覺寺八韻

徑轉神潭路言尋法海關兩年纔一瞬片刻此乘閒近

度溫泉峪遙瞻城子山青蓮宮忽到白玉級憑攀指月
空標性拈花笑破顏天龍吐德水乾闥隔塵寰興到聊
為佳詩成旋命還鐘聲及泉韻迴聽有無間

大覺寺雜咏

暘臺秀處此夷峻寶網金輪住法空設使瞿曇無揀擇
緣何於是現花宮

雁塔穹窿松柏森閒齋竭憩暢清襟垂巖瀑水鳴哀玉
原是前年洗耳音

佳陰禪院重重護流水僧房處處通
闌士六時無別事
花香鳥語悟真空

戴嵩鬪牛圖

角尖項強

去聲

力相持蹴踏騰轟各出奇想是牧童指點

後股間微露尾垂垂

雨中舟泛二首

五月廿七日

邇日炎風熾踊愁澤又艱乘涼聊復爾沛霽不期間
雨
脚飛前浦雲頭暗遠山倚篷因得句屬我片時閒

不杼織空羅銀塘緩棹過被疇飽宿麥度沼打新荷鉞
鼎收來煮硯甌滴處磨晚晴餘惜意珍重受天和

夏日討源書屋

問

安仙籙便退食水齋臨黃屋非堯志薰絃學舜心經書
昭自古堂構肯斯今津逮依然近其源要在尋

萬壽山即景

勅幾視事有餘閒趁爽因之萬壽山雨後石峯新若沐

夏中林葉密如關化機呈處堪叅契詩句吟成旋改刪
半月不遊緣望澤澤霑一至也開顏

水周堂

構堂水中央而非洲渚上文石以為基綠紗以為障荷
風席間馥漪影簷端漾俯臨契澄照竭憩愜素尚渭濱
倘可期將從釣者訪

耕織圖

新秧插遍縹新絲課織觀耕候未遲為憶南邦災歟後

惻然三復聶家詩

雲松巢

蔚薈間常吹謾謾龍蔥中亦起英英作霖惟是傅巖志

謝組終非陳旅情

元陳旅有題雲松巢圖詩

墨妙軒

苔華勒壁貞墨妙薈菁英遠取東坡義

蘇軾有墨妙亭詩

近規

錫麓情

是軒建於惠山園

烟雲相罨護唐宋與逢迎

三希堂法帖自晉魏

以至元明茲以續成自唐諸遂良為始

不更臨池學山陰早擅名

王蒙幽壑聽泉

滅景山棲悅性靈相攜松下少延停飛泉阿那雲深處
一例寒濤試往聽

熱

暑信夏之德不熱曷其可惟是厓怨咨協時責在我及
雨又將旬赤日烈如火澤雖霑未優踊懼炎風簸冰鑑
寧獨涼筍席那安坐
霑霽望雲興作解庶滂沱

叶

題輿地圖

括地多年仰

聖猷

輿地圖自康熙年間
詳詢精繪而後定或有不能身履其地者必周諮

皇祖命人乘傳詣各部

博訪而載之既成錫
以銅板垂諸永久

覈真今復逮渠搜

上年平定準噶爾
迤西諸部悉

入版章因命都御史何國宗率西洋人由西北兩路分
道至各鄂托克測量星度占候節氣詳詢其山川險易
道路遠近繪圖一如舊制閱誇詎類叅軍註院塞應同主吏收益切

觀光周諮凜匪關鑿空

上聲

漢臣求宇安歲美吾恒願望

蜀寧當意更留

喜鵲

喜鵲聲喈喈俗云報喜鳴我屬望雨候厭聽為呼晴

納涼

屢雨亦屢旱都無十日間雨慰慰仍慮旱愁愁莫寬即
今復待澤炎熇烈且煩廣廈猶鬱蒸何況彼市鄠致和
無良方協時乏神權深慙泰階符常詠雲漢篇晚來雲
氣英清風拂帷筵納涼暫徘徊顚霖徒俄延外暑避差
易中熱消良難

文徵明琴鶴圖即用其韻

蕭齋綠樹蓋重陰家事無他鶴與琴祇許幽人來問事
相商疏冗以前音

夜雨

六月初
八日

落晚雲布空甘澤庶即沛徘徊入更深孤望亦假寐夢
中淅瀝聲謂是風篁吹湏臾響落簷始信為霖遂響細
繼以歇蓮漏半時旣慰不足抵惜愁益用增愧求衣天
向明晨霞釀雨意翹顒希渥霑不遑問餘事

陣雨

陣雨凡數番入地剝餘寸時陰時復晴萬目意彌悶禾
黍色稍蘇猶之清水喫優霑則何有尚冀天龍噴大雲
亦漸起霧霈諒已近解作擬今夕沃心滿吾願吾因絜
矩政恩施戒於斡

免甘省諸郡正供詩以紀事

上年平定伊犁西北兩路軍需採購輸輓率資之
甘涼肅諸郡邑邊氓誠悃服勤有足嘉者用免本
年應徵正供以卹勞勩

西北屬有事用兵非得已然非翦勁敵討逆執醜耳特

以道路遙無之任使

伊犁用兵在朕左右皆襄運籌者惟大學士傅恒一人而閫外

之寄前後所用往往過於選懦昧於機宜屢致債事殊為憤懣朕於始事即為之躊躇審顧不欲辦理者以此

遂致彼遊魂猶然延釜底屈指初卜征逮今復伊犁

叶

一年餘數月士卒亦勞止士卒用新附及八旗弟子芻

餉皆採購輸輓計價與

叶

豈如新安吏點兵括鄉里尤

念購與輓究資民力矣邊郡風朴淳服勤誠足美用免

惟正供休息自今始佇待獻逆俘歸馬中外喜

題李公麟吳中三賢圖

范蠡

事濟飄然避世喧
五湖烟水意行存
種山不聽幾先語
第八徒悲犯玉門

張翰

琴語同開入洛船
思吳返棹那俄延
祇今朗咏黃花句
也占風流五百年

陸龜蒙

三日饒州即去之葛巾瀟灑信天隨釣車茶具聊攜處
相訪惟應李與皮

落葉松

塞外有此種昔曾詠之有因地寒暖變節概蒼松
何以殊蓬蒿之句今移植御苑亦森森成活非不
菁蔥插壩居然松也一入冬則真偽分矣觸懷得
句抑亦有所思焉

亦被八公號移來千里途

木蘭去此近者不過五百里遠或千里舉成數耳

春

前生嫩葉霜後賸枯株頗有充君子寧無假大夫真松
莫相怨聊待歲寒乎

曉起

問夜到天明曉起少雲色涼風翻送爽無望徒增悵麥
收已報歟禾黍苗方翼長養資甘潤滋培要此刻雖切
祈年心慙乏致和德仰晞瞪發勞展轉以反側旁人寬
我云可待愁胡急設至不可待縱愁何嗟及

驟雨

六月十三日

勅幾泣勤政坐見雲峰起膚寸合崇朝膏霽隨霏瀰不
雨一滴艱既雨萬絲委急灑復徐零簷前頃刻耳起槁
榮更蘇解愁病良已真稱如意珠無不滿志矣大患在
吾民吾寧不為喜喜慮不可亟為君難若此

重臺蓮

蓮花稱君子華實兩臻善何來有重臺華盛實則鮮雲
霞纈一湖萼不翻千瓣叶乏彼服食資方諸畫圖展諒
匪瀟溪愛因致河間辯

暑雨

暑雨為霖猶未定
乍懸晴日乍霏絲
所希黍壠亟優渥
權置茅簷切怨咨
潤達黃泉虬出土
化生腐草照流帷
了知望蜀應非美
自哂孜孜又底為

夜雨

六月十五日

好雨邇來足
今霄得穩眠
雷車殷夜半
雨瀑落簷前
膏澤豈辭富
良苗更起鮮
憫農心始慰
一意祇籌邊

通鑑紀事本末題辭

資治開宗司馬傳分門紀事尚書沿沈袁題要臚從古
馮谷研精輯續編監夏監殷吁凜若亦文亦質洵彬然
百王後是誰承者師保如臨切惕乾

密言造膝有誰知屋漏分明顯在茲盤古前文尚疏略
三皇後事大昭垂宅心敬肆惟幾爾享世短長率繫之
給札西清供乙覽要於法戒勵孜孜

偶題

不避仇還不避親得教叔向慕斯人若無祁大夫之志

未可輕言德行淳

張宗蒼秋山霽色

濃翠間深紅秋光艷淨空澄思纔半刻迴句得其中

撫帖

吾聞撫帖法不求似求神苟惟啄磔肖是謂優孟倫疏
軒深以敬甌硯良具陳習字當消夏古則貽芳津傳神
吾未能吾將思其人

夏日玉泉山

鳴鞭趁曉涼言指名山遊名山豈在多半峯泉上頭威
紆西北來於此結神邱水木既明淨洞壑還清幽雨後
波聲壯風前嵐氣收築塔將斷手開軒正延眸低田及
高壠無不綠如油信矣慰此日遙哉待三秋迴憶望澤
初其愁可少不

曠觀齋

表裏湖山間是處獨踈朗虛齋適構成廓然涵萬象圖
書鑒古今草木樂長養祛彼紅塵緣結此青霞想鳶魚

自豈知化機一俯仰

飛雲隈

峻隈常生雲因之每飛去去亦何所之生亦本非住畫
家得活法禪者契靜悟與我兩無涉相遭聊駐步

麗矚軒

虛窗面面聽松濤峰頂開軒據最高碧澗深潭常在望
春風秋月總宜遭每因物表延遙寄似與天遊得靜陶
一歲不過三兩至攀躋率慮衆人勞

棲霞室

歸雲寫霧坐窗紗日與幻之為明霞霞光日色兩無定
三間巖屋常清嘉既深而靜窈且窕長夏如秋顯氣表
遙吟俯暢皆合宜默契深資殊不少江南精舍定何如
因之遐憶明僧紹

馬琬倣董源秋山

古寺荒村遮碧岑瀑聲寒注澗溪潄不須畱白為雲氣
蒼蔚平林自作陰

詠玉駝

拳足昂頭曲肖奇
土華磷縛卯金遺
詎同唐帝過街日
疑共明君出塞時

打魚

打魚本意去鮎鱧
為其食魚暴不已
大罟小網畢技求
鯨鰭鯉鯪出波死
鮎鱧百不一二獲
是謂非愛害之耳
世事寧無亦若斯
絜矩吾將慎厥始

荷

雨後琳池濯晚霞
禱標淨植越清嘉
後前左右皆君子
春夏秋冬出衆花
點處蜻蜓蓋如飈
遊間鱣鯉柄因斜
漾舟一種風流趣
底更遙遙擬若耶

御湖雨泛

六月廿三日

空羅達曙曉猶陰
私慶今朝定作霖
勤政勅幾亭午罷
得教烟舫放湖心

徐斟急灑意悠揚
面面珠簾那礙涼
棹入荷叢渾不見
水晶宮裏辟塵香

油雲暗度雨絲明
剪取空濛碧繖撐
消得閒心攬烟景
迴思半夏若為情

御製詩二集卷六十三